


鹵觔彙証上



西觚彙征序

夫法藏初闢四淨穢願般于樂津能仁誓攝五濁駕
慈航於苦海此擡彼捫務在弘濟羣生讚勝折劣惟
期善誘諸趣噫覺皇出現惟此爲一大事因緣歟何
其嘔心瀝血說此難信躬此難行僧祇劫來少無疲
厭也然吾嘗聞之淨刹寶池蓮華化生之人金軀香
潔月容端好福智俱隆快樂自在云大抵據因以感
果則隨其心淨佛土自淨矣淨業行者必須修心如
蓮之皎潔無瑕如蓮之清香遠徹如蓮之處染常淨
如蓮之入水不著然後乃托蓮胎而初發心時便有

一朵蓮華生芽於德水之中隨人勤慢華爲榮悴此
理昭然更何疑乎且不待聖而興自是上等見賢思
齊正爲吾儕今日之急務故搜輯從古諸上善人歸
化靈蹟亟付剞劂欲與蓮社法侶共覩先進之模楷
庸作西邁之章程耳在昔道珍闕經不得附載于歸
帆通志易服僅能追泛於去舫古德云生死忙忙古
渡頭彌陀撥動濟人舟無時不作難遭想歡喜同登
解脫艤以知愛河滉瀟慾浪洶湧須用舟楫乃能涉
險濤達願海誕登彼岸也故名其書曰西舫彙征云
爾耑祝犁亶安南至日釋瑞璋題

西舫彙征卷之一目錄

尊宿瑞化

晉

辯覺慧遠

覺寂慧永

慧持

道生

曇順

僧叡

曇恒

道暘

曇詵

道敬

佛馱那舍

跋陀羅

曇翼

曇邕

僧濟

慧恭

法安

慧虔

南

曇鑑

道海

曇泓

道廣

道光

曇弘

齊

慧進

梁

道珍

魏

曇鸞

北

慧光

法琳

僧柔

周

慧命

法音

僧崖

隋

智舜

真慧

智通

南嶽慧思

天台智顗

慧成

慧命

灌頂

法喜

等觀

法俊

道喻

壽洪

法智

慧海

汶水沙彌

唐

善冑

法祥

明瞻

道綽

道撫

光明善導

智琰

神素

功迥

道昂

善道

惟岸

法持

慧日

般舟承遠

僧銜

啓芳

圓果

辯才

自覺

五會法照

臺巖少康

懷玉

齊翰

神皓

僧藏

寶相

百丈大智

智欽

法順

懷感

德美

石志通

朱紹巖

守真

晤恩

義通

知禮

遵式

有基

本如

永明延壽

慧才

思義

元淨

從雅

若愚

智深

處謙

圓淨省常

悟新

真歇

懷深

宗曉

寂堂

宗坦

子元

懷義

智圓

僧藏

有嚴

中立

擇瑛

思照

宗利

齊玉

仲閔

瑩珂

靈照

可久

宗本

善本

元照

道言

慈覺宗牘

惟月

思敏

行詵

法持

慧亨

用欽

妙生

惟渥

冲益

法宗

晞湛

曇懿

太微

思聰

了義

慧誠

祖南

法因

了然

智仙

思淨

如湛

思梵

文慧

慧明

智廉

淨觀

利先

師安

如寶

顯超

有開

道生

若觀

覃異

元肇

智印

戒度

道琛

有朋

妙雲

晞顏

了宣

善榮

祖輝

如鑑

祖新

元
中峯明本

善住

天如惟則

優曇普度

妙文

盤谷

明
楚石梵琦

祖香

慧日

蓮池祿宏

寶珠

真青

佛石

黃州僧

海寶

蕩益智旭

實相

清
道樞

具宗

大真

林谷

萬緣

本冲

廣志

實定

佛安

際會

達文

高尼淨因

隋

大明

南

法盛

道爰

法藏

唐

淨真

悟性

宋

能奉

慧安

明

無爲

清

本印

遂欽

律宗

佛琦

西觚彙征卷之一

釋秋波堂瑞璋輯

尊宿瑞化

法師諱慧遠姓賈氏鴈門樓煩人幼而好學年十三
隨舅令狐氏遊學許洛博綜六經尤善莊老二十一
欲渡江從學范甯適南路梗塞時釋道安建剎於太
行常山一面盡敬以爲真吾師也初聞安師講般若
經豁然開悟歎曰九流異議皆糠粃耳遂與母弟慧
持投簪受業精思諷誦以夜繼晝師神明英越志與
理冥安師常臨衆歎曰使道流東國者其在遠乎太

元六年至潯陽見廬山閒曠可以息心乃立精舍以
去水猶遠舉杖扣地曰若此可居當作朽壤抽泉言
畢清流涌出潯陽亢旱師詣池側讀海龍王經忽有
神蛇從池而出復更大雨歲竟有秋因名龍泉精舍
永師先居廬山西林欲邀同止而師學侶寢衆永乃
謂刺史桓伊曰遠公方當弘道而貧道所棲隘不可
處時師夢山神告曰此山足可棲神願母宅徃其夕
大雨雷震詰朝林麓廣闢素沙布地榎枿交梓充布
地上不知所自至伊大敬感乃爲建刹名其殿曰神
運以在永師舍東故號東林嘗謂諸教三昧其名甚

衆功高易進念佛爲先旣而謹律息心之士絕塵清

信之賓不期而至者慧永

同師安公先居西林

慧持

遠師同母弟

道

生曇順

並羅什門弟

僧叡曇恒道曷曇誦道敬

並遠師門人

佛

馱邪舍

此云覺明罽賓國人

佛馱跋陀羅

此云覺賢迦維衛國人

名儒劉

程之

號遺民

張野周續之張詮宗炳雷次宗等結社念

佛世號十八賢復率衆至百二十三人同修淨土之

業造西方三聖像建齋立誓令劉遺民著發願文而

王喬之等復爲念佛三昧詩以見志聞鳩摩羅什入

關遣書通好什答書曰傳譯來貺粗聞風德經言末

代東方有護法菩薩欽哉仁者善弘其道釋惠要患

山中無刻漏乃於水上立十二葉芙蓉因波隨轉分
定晝夜以爲行道之節謂之蓮華漏師居山三十年
迹不入俗唯以淨土克勤於念初十一年澄心繫想
三觀聖相沈厚不言後十九年七月晦夕於般若臺
之東龕方從定起見阿彌陀佛身滿虛空圓光之中
有諸化佛觀音勢至左右侍立又見水流光明分十
四支流注上下演說苦空無常無我之音佛告之曰
我以本願力故來安慰汝汝後七日當生我國又見
佛馱那舍慧持

義熙八年
年先逝

慧永

義熙十年
年先逝

劉遺民

義熙六年
年先逝

在佛之側前揖師曰師志在先何來之晚師語法淨

惠寶曰吾始居此十一年中三見佛相今復見之吾
生淨土必矣又曰七日之期斯爲漸矣卽寢疾製遺
誡曰吾昔以知命之年託業此山自審有必盡之期
便欲絕迹外緣以求其志良由性弱於斷遂令同趣
相引時賢過眷情以類感不覺形與運頽今年已八
十三矣仰尋違離之誨俯慨自負之心徒令此生虛
謝以悼徃疾之深今於至時露骸松林之下卽嶺爲
墳與土木同狀此乃古人之禮汝等勿違苟神理不
昧庶達其誠大哀世尊亦當祐之以道門徒號慟若
喪父母師以世情難割乃制七日展哀至期始順寂

卽義熙十二年八月六日也弟子不忍露屍與潯陽
太守阮侃奉全軀舉葬於西嶺累石爲塔所著經論
諸序銘贊詩記凡十卷號廬山集粵稽淨土法門雖
傳於震朝至佛圖澄而著由澄而得道安安之門有
遠公負荷至教廣大聖道名重帝王法流天下百世
之下推師爲淨業始祖焉

慧永河內潘氏年十二出家事沙門竺曇現初習禪
於恒山與遠師同依安法師期結宇羅浮及遠師爲
安公所畱師乃欲先度五嶺太元初至潯陽刺史陶
範素挹道風乃畱憇廬山捨宅爲西林以奉師布衣

蔬食精心克己容嘗含笑語不傷物峯頂別立茅室
時往禪思至其室者常聞異香因號香谷一虎同居
人至輒驅去遠師來之龍泉桓伊爲立東林三十年
影不出山師居西林亦如之嘗因法事至近邑還山
薄暮烏橋營主醉騎馬當道遮師不聽去師以杖指
馬馬驚走營主仆地師捧慰之遂還營主病徃寺悔
罪師曰非貧道意爲禱之尋愈鎮南將軍何无忌鎮
潯陽至虎溪請遠公及師遠公持名望從徒百餘高
言華論舉止可觀師衲衣半脰荷鋤松下飄然
而至无忌謂衆曰永公清散之風乃多於遠師也師

標誠植願動在安養義熙十年在疾忽歛衣求屣欲起衆驚問師曰佛來也言終而化異香七日方歇葬於寺之西南春秋八十三

慧持遠公同母弟也幼讀書一日所記常敵十日年十八與兄同事安公徧學衆經遊刃三藏及安公在襄陽遣遠公與師東下遂止廬山師形長八尺衲衣垂膝徒屬三百師爲上首豫章太守范甯請師講法華經阿毘曇論四方雲聚琅琊王珣與范甯書問遠持二公孰愈甯曰誠謂賢兄賢弟珣復書曰但令如弟誠未之有况復賢邪羅什在關中遙相欽敬每致

書通好隆安三年辭兄入蜀遠公畱之曰人生愛聚
汝獨樂離師曰滯情愛聚者本不應出家今旣割欲
求道正以西方爲期耳卽悵然而別至成都郫縣居
龍淵寺大弘佛法升其堂者號登龍門義熙八年順
寂春秋七十六臨終遺命務嚴律儀專心淨業以東
間經籍付道泓西問法典付曇蘭以泓行業清敏蘭
神悟天發並能繼軌師蹤焉

道生魏氏鉅鹿人幼從竺法汰出家披對經誥一覽
能誦年在志學便登講座吐納明辯雖宿望莫敢酬
抗初依廬山常以入道之要慧解爲本乃與僧叡慧

嚴慧觀等遊學長安從羅什受業關中僧徒咸仰神
悟嘗喟然歎曰自經典東流譯人重阻多滯權文鮮
通圓義若亾筌得魚始可以言道矣於是校閱真俗
精練空有研思因果乃立善不受報及頓悟成佛義
又著二諦論佛性常有論佛無淨土論應有緣論並
籠罩舊說妙有淵旨守文之徒嫌嫉競起師又以法
顯三藏所翻泥洹經本先至六卷成文經云除一闡
提皆有佛性師云夫稟質二儀皆有涅槃正因闡提
舍生之類何得獨無佛性蓋是經來未盡耳乃唱闡
提之人皆得成佛時大本未傳孤明先發舊學僧黨

以爲背經遂顯大衆擯而遣之師正容誓曰若我所
說背經當見身癘疾若與實相不背願舍壽之日踞
師子座遂拂衣而行及後大經至聖行品云一闍提
人雖復斷善猶有佛性於是諸師皆爲媿服師被擯
南還入虎邱山聚石爲徒講涅槃經至闍提處則說
有佛性且曰如我所說契佛心否羣石皆爲點頭旬
日學衆雲集忽雷震青園佛殿有龍升天因改寺曰
龍光師於寺請罽賓律師譯彌沙塞律傳於世旣而
辭衆復投廬山預蓮社久之還都止青霞寺宋文帝
大會沙門親御地筵食至良久衆疑過中帝曰始可

中耳生乃曰白日麗天天言始中何得非中遂舉箸而食一衆從之莫不歎其機辯時王弘范泰顏延之並挹敬風馭相從問道元嘉十一年十一月庚子於廬山升座說法將畢衆見塵尾紛然墜地隱几而化宛若入定諸師聞之益信前誓有證

曇順黃龍人幼出承訓羅什講釋羣經妙盡色空無着之旨什歎曰此子奇器也後來廬山同修淨業寧蠻校尉劉遵孝於江陵立寺要師經始盛弘念佛三昧之道宋元嘉二年別衆坐逝異香滿室春秋七十

僧叡冀州人遊學諸方嘗行經蜀西界爲人所掠使
牧羊有商客異之疑是沙門及問以經義無不綜達
卽出金贖之後遊歷天竺諸國還至關中從羅什諮
稟經義羅什翻法華經以竺法護本云天見人人見
天什曰此言過質耳叡曰將非人天交接兩得相見
什喜遂用其文久之來入廬山依遠公修淨業旣而
適京師止烏衣寺講說衆經聽者推服宋彭城王義
康要入第受戒師曰禮聞來學王乃入寺祇奉戒法
王以貂裘奉師常用敷坐王密令以錢三萬買之師
曰此雖非所宜服然王之所施不可棄也王聞益加

敬謝靈運篤好佛理殊方俗音多所通解嘗以經中字音求證於師因爲著十四音訓梵漢昭然元嘉十六年無疾告衆曰吾將行矣卽面西合掌而臥衆見卧內一金蓮華倏爾而隱春秋八十五

曇恒河東人童孺依遠公出家年甫十三便能講說內外典籍無不通貫德行清孤物情推服常有羣鹿馴遶座隅自入廬山專志淨業義熙十四年端坐合掌厲聲念佛而化春秋七十二

道曷潁川人陳氏幼出家爲遠公弟子該通經律兼明莊老志節孤峻言與行合念佛三昧究心無間義

熙十四年豫章太守王虔入山謁敬請爲山中主用
紹遠公之席衆以道源法嗣咸知宗仰元嘉十二年
集衆念佛就座而化春秋七十一

曇詵廣陵人幼從遠公出家勤修淨業兼善講說注
維摩經行於世常著窮通論以明宿修述蓮社錄以
記往生又能別識鳥獸毛色俊鈍之性洞曉草木枝
幹甘苦之味妙盡其理人知其有密證云元嘉十七
年集衆謂曰自建寺以來至此五十年吾之西行最
在其後卽加趺念佛百聲閉息遂絕春秋八十
道敬瑯琊王氏祖疑之刺江州遂從遠公出家年十

洗足乃止既達姑臧什已入長安聞姚主逼以妾媵
歎曰羅什如好綿纈何可使入棘林羅什勸姚主遣
使迎師既至別立省寺於逍遙園四事供養一無所
受時至分衛一食而已時羅什譯出十住經師更相
徵決辭理方定師髭赤善解毘娑沙論時人號赤髭
論主秦弘始中譯出四分律四十四卷長阿含經二
十二卷義熙八年來廬山入社後辭還本國自尉賓
以虛空藏經一卷寄商客至涼州

佛馱跋陀羅

晉云覺賢

姓釋迦迦維羅衛國人甘露飯王

裔末也幼匹父母出家爲沙彌年十六博學羣經深

達禪律常與僧迦達多共遊。罽賓達多閉戶禪坐。忽見師來。云暫往。兜率致敬。彌勒言訖。便隱。後益見其神變。敬心祈問。方知得不還果。時姚秦沙門智嚴至罽賓。覩法衆清淨。慨然東顧。曰。吾諸同輩。未遇真匠。將何發悟。卽諮詢於衆。孰能遂我所請。流化東土。僉應之曰。跋陀羅。其人也。嚴乃要師裹糧而行。經歷諸國。至交趾。附舶循海。達於青州。東萊聞鳩摩羅什在長安。卽往從之。秦太子泓請師於東宮。集衆說法。與羅什論色空義。師曰。汝祇說得果中色空。不說得因中色空。什問何謂師曰。一微空。故衆微空。衆微空。故

一微空一微空中無衆微衆微空中無一微徃復數
番羅什罔測秦主興供僧三千盛修人事而師禪靜
自守忽謂弟子曰吾見本國五舶俱發衆謂妄言因
共擯棄乃與弟子慧嚴慧觀四十餘人俱發至廬山
香谷茆舍而居時會蓮社遠公謂師被擯過由門人
懸記五舶於律無犯卽遣弟子曇邕致書秦主爲其
解擯乃請師東林譯出禪教諸經自是江東始耽禪
悅師志在遊化西適江陵持鉢分衛果見天竺五舶
至此後還都立道場寺先是支法領於于闐得華嚴
梵本三萬六千偈未經宣譯義熙十四年吳郡內史

孟顗右衛將軍褚叔度請師爲主譯與沙門法業慧
義慧嚴慧觀等爲筆授譯成六十卷有二青衣朝從
池出灑掃研墨師先後譯出觀佛三昧經般泥洹經
修行方便論及法顯所得大僧祇律凡十五部宋元
嘉六年念佛而化塔於廬山北嶺

曇翼餘杭人初入廬山依遠公後往關中見羅什東
還會稽入秦望山誦法華經十二年感普賢大士化
女子身披采服攜筠籠一白豕大蒜兩根至師前曰
妾入山采薇日已斜豹狼縱橫歸無生理敢託一宿
師卻之力女復哀鳴不已遂令居草床上夜半號呼

腹疼告師按摩師辭以持戒不應手觸女號呼愈甚
師乃以布裹錫杖遙爲按之翌日女以米服化祥雲
氤變白象蒜化雙蓮凌空而上謂師曰我普賢菩薩

特來相試郡太守孟顗聞於朝勅建法華寺

今天初衣寺

餘杭山沙門法志常誦法華有雉巢於庵側翔集座
隅若聽受狀如是七年一日忽憔悴志曰汝能聽經
必生人道明朝雉殞卽爲痊之夜夢童子拜曰因聽
經得脫羽類今生山前王氏後其家設齋志方踵門
兒曰我和上來也志撫之曰汝我雉兒也解衣視腋
下有雉毳三莖七歲令入山出家十六落髮以腋有

毘因名以翼

曇邕楊氏關中人形長八尺雄武過人南來廬山依師遠公內外典籍無不綜習立茅屋於山西以自居止有弟子曇果澄思禪門一夕夢山神求受戒法果曰家師在此可往求之邕忽見一人着袷衣風神端雅從者三十人乞授戒師以果先夢知是山神乃爲說法授五戒畢神以外國二鋤爲襯禮謝而去師後徃荊州行化卒於竹林寺

僧濟入廬山問道精悟深要遠公歎曰紹隆大法其在汝乎及在疾遠公以燭遺之曰汝可憑此建心安

授戒有頃而去明朝居民見安謂是神人相率禮敬
因改神廟立寺宇請安居之左右田園並捨爲寺業
嘗欲畫像須銅青慮不可致忽夢一人跪床前云此
下有銅鍾寤卽掘之果得二鍾取青成像而以銅助
遠公鑄佛後不知所終

慧虔晉末居廬山見遠公德業之盛歎曰吾人也彼
人也乃之山陰嘉祥寺聚徒講經謂衆曰願乘講道
用奉彌陀後五年知時己至乃曰華開見佛卽其時
矣其夕有尼淨嚴假寐之頃見觀音勢至與百千衆
從空而下嚴問大士何所之曰嘉祥迎虔公耳虔亦

預感勝相以告弟子奄然長往異香經旬不歇
曇鑑宋時居江陵定中感佛以水灑面曰滌汝塵垢
清汝心念一夕念佛步廊及朝趺坐而化同時江陵
道海淮南曇弘東轅道廣弘農道光臨終皆見金臺
來迎之相

曇弘南適交趾誦觀經不記數於山崦聚薪焚身得
舍利數百人見弘身金色乘金鹿向西去

慧進齊永明初於揚州高座寺發願誦法華用嚴淨
土執卷病生乃復造經百部以悔宿障部帙旣滿病
亦隨愈聞空中聲曰汝事已辦汝願已遂欲生淨土

非汝而誰一日無病念佛而化

道珍梁天監中寓廬山慕遠法師標心淨土異時夢
中見十人舟艣浮海問何往曰適安養國珍曰願得
隨往荅曰一日之修功超永劫子未誦彌陀經未曾
浴僧何可求往珍乃大設沐浴專誦彌陀經後二年
有捧銀臺至者曰以法師之功當得金臺奈何始心
猶豫故止此耳珍曰苟見佛之基有漸奚必金臺後
亾之夕所居山崖烈火千炬鄉民大驚朝則知珍遷
化
曇鸞鴈門人少遊五臺感靈異出家而性嗜長生受

陶隱居仙經十卷還洛下遇菩提流支問曰佛道有
長生乎支笑曰長生不死吾佛道也卽授以觀經曰
能解此則三界無復生六道無復轉其爲壽也河沙
劫石莫能比焉此吾金仙氏之長生也鸞大喜遂焚
毀仙經晝夜專誦觀經修三福業觀想九品寒暑疾
痛曾無少懈北魏主嘉之號爲神鸞勅住汾州玄中
寺一夕正持誦見梵僧入室謂曰吾龍樹也以汝有
淨土之念故來見汝鸞曰何以教我僧曰已去不可
及未來未可追見在今何在白駒難與回言訖不見
鸞自知時至集衆教誡曰勞生役役其止無日地獄

諸苦不可以不懼九品淨業不可以不修因令弟子
高聲念佛西向稽顙而化衆聞天樂自西以來良久
乃已

慧光北齊時居洛陽著華嚴涅槃十地等疏妙盡權
實之旨一日有疾見天衆來迎光曰我所願歸安養
耳已而淨土化佛充滿虛空光曰唯願我佛攝受遂
我本願卽彈指警歎言氣俱盡

法琳晉原人常誦觀經輒見一僧大身在前北齊建
武二年感疾見寶樹下一佛二大士像坐蓮華上琳
大慰喜夜半聞鍾聲衆就視之卽席而化

僧柔學方等諸經齊文宣詔至鄴下柔唯以淨業爲懷
區之日見化佛千數室內外聞異香西望敬禮卽
時遷神

慧命北周長沙人十五誦法華纔七日終一部與法
音爲淨土友一夕攜手月下相顧笑曰時至不行爲
貪生西方有期吾其去矣音曰寧不俟我十日命豎
兩指曰過此不可也越二日果終衆見天人下降奇
香異樂或唱善哉後十日音亦區祥瑞悉與命同

僧崖北周益州多寶寺發心燒五指萬人擁觀謂弟
子曰我去後好供養病患醜陋人此皆佛菩薩權化

也坐區之時衆見寶華紛紛師披衲執錫口唱佛號
與數十僧乘空而去

智舜入廬山踵遠公淨業講觀經才終卽示病見鸚
鵡孔雀念佛念法皆微妙聲告弟子曰我今日往生
矣旣而果遷化時隋大業初

真慧隋大業初居蒲坂麻谷餌黃精絕粒筭淨地設
四柱寶幢以奉三聖每依像作觀挺身整念必肅肅
然一夕謂弟子曰今見蓮華載開載合將承吾足頃
之聞鍾天香西來異光驟發已而慧區

智通隋河東人常誦先賢讚佛偈三十首每六時對

像引聲高唱委曲淒切聞者悲之大業七年與門人
頂蓋同聲念佛忽見光明勝異寶幢華幔謂蓋曰吾
生淨土克在今夕卽坐亡於懺堂衆見樓閣千重排
空而去猶雲霧然

慧思陳時來居南岳專誦法華嘗夢阿彌陀佛彌勒
佛與之說法夏竟受歲豁然大悟法華三昧所未聞
經不疑自解後將順世卽集門學連日說法端坐唱
佛來也卽合掌而逝

智者大師諱智顗姓陳氏諱川人母夢香烟五米縈
迴入懷誕靈之夕神光照屋七歲入果願寺聞思禪

師止大蘇山卽往頂拜思曰昔日靈山同聽法華宿緣所追今復來矣因示以普賢道場爲說四安樂行師入觀三七日身心豁然宿通潛發見靈山一席儼然未散以所證白師思歎曰非汝莫證非我莫識此法華三昧初旋陀羅尼也大建元年至金陵闡化嘗披一破衲說法天台二十餘年疏觀經著十疑論法華玄義等書勸人進修淨業後於石城石像前將示寂令唱無量壽佛及觀經首題合掌讚曰四十八願莊嚴淨土華池寶樹易往無人火車相現一念改悔尚得往生况戒定熏修行道力故實不唐捐又曰吾

諸師友侍從觀音皆來迎我言訖加趺唱三寶名如
入三昧後有僧求知師生處乃夢觀音金容數丈智
者從後告僧曰汝決疑否再驗智者生西方矣

慧成居枝江誦阿彌陀經修西方觀三十年常坐不
卧每入定見淨土蓮臺寶樹臨終之夕人有夢成乘
蓮華上隱隱西沒

慧命天台仙城人臨終誡門人精進淨行衆忽見阿
彌陀佛領衆來迎師隨佛後向西而去

灌頂章安人臨終示疾室有異香因誡誨弟子畢忽
起合掌稱阿彌陀佛二大士名奄然而化

法喜常行方等禮懺有一雉來責命神人斥之曰法師當往生淨土豈償汝命後於病中發願以一生所修行業回向淨土至心念佛卽見佛菩薩衆來迎端坐而化

等觀居天台常誦法華一夕澡浴面西趺坐念佛菩薩及智者名復說三觀法門言畢而終

法俊住碧澗寺行法華三昧卽獲悟入示滅之日仙樂盈空天香亘野衆見凌空西向而去

道喩居開覺寺念阿彌陀佛日夜不廢造其像僅三寸後於定中見佛謂曰汝造我像何小喩曰心大卽

大心小卽小言訖見像身徧滿虛空告曰汝且回本
國香湯沐浴明星出時我來迎汝至時感化佛來迎
光明滿室
壽洪汾陽人常念徃西方將叵見堯率天童子來迎
師曰我心期西徃不生天上卽令衆念佛遽云佛從
西來矣言訖而化

法智居國清寺一心念佛常感觀音勢至來下光映
其身謂所親曰吾生淨土有日矣誰能具食餞我衆
爲具之食訖無它異衆疑其侮宿房而候之夜未央
忽安坐床上念佛而化有金光自西來江上漁人誤

謂天曉

慧海隋大業時居江都安樂寺專心淨業得齊州道
詮所遺無量壽佛像殷勤禮懺像忽放光自是懇求
往生愈切一日面西趺坐念佛而化

汶水二沙彌同志念佛經五年大者先亡得生淨土
見佛欣慶卽白佛言有小沙彌與我同修不識可得
生不佛言汝本無心念佛由彼勸汝汝今宜還益勤
淨業三年後可同來此至期佛與衆聖自西來迎大
地震動天華飄舞是二沙彌一時俱化

善甯博野人勤篤淨業常見佛大士像放光照身二

夕疾中倏起合掌祝曰佛以四十八願攝我有情必冀此時如佛本願已而告衆曰佛光照我所願無失言訖而亡

法祥住楊都大興國寺三十年修安養之業凡有饒益必用圓向因在疾弟子聞師稱佛聲甚厲又見房西壁有光若鏡現淨土境相頻伽鼓翼祥倏然而化明瞻晚歲克志安養或譏其遲暮瞻曰十念功成猶得見佛吾何慮焉後因疾於興善寺具齋別道俗時僕射房玄齡杜如晦皆會焉日過午整威儀遽曰佛來矣二大士亦至竦身合掌而化

道綽并州汶水人十四出家習經論晚事瓚禪師學
禪後入壁谷玄中寺曇鸞之舊居也專志念佛日以
七萬徧爲度勸并汾人念佛或以豆記所度者及萬
斛貞觀二年四月八日集道俗爲如來生朝慶會俄
見鸞空中乘七寶船謂綽曰汝淨土堂宇以成衆復
見化佛菩薩飄飄在空皆忻仰歎異同志道撫者每
相見必指淨土爲會綽亾三日撫聞之曰吾常期先
行今乃在後吾加一息之功見佛可追矣卽於像前
叩頭陳露退就其座而化

法師善導唐貞觀中見西河綽禪師九品道場講誦

觀經大喜曰此真入佛之津要修餘行業迂僻難成
唯此觀門速超生死於是勤篤精苦晝夜禮誦續至
京師激發四衆每入室胡跪念佛非力竭不休雖時
寒冰亦須流汗出則爲人演說淨土法門三十餘年
不暫睡卧般舟行道方等禮佛護持戒品纖毫不犯
好食送厨粗惡自奉乳酪醍醐皆不經口凡有觀施
用寫彌陀經十萬卷畫淨土變相三百壁壞寺廢塔
所至修營然燈續明常年不絕三衣瓶鉢不使人持
行不共衆恐談世事長安道族傳授淨土法門者不
可勝數從其化者至有誦彌陀經十萬至五十萬卷

者念佛日課萬聲至十萬聲者或得入念佛三昧往生淨土者莫能紀述或問念佛生淨土邪師曰如汝所念遂汝所願乃自念一聲有一光明從其口出十至於百光亦如之其勸世偈曰漸漸鷄皮鶴髮看看行步龍鍾假饒金玉滿堂豈免衰殘老病任是千般快樂無常終是到來唯有徑路修行但念阿彌陀佛後謂人曰此身可厭吾將西歸乃登柳樹向西祝曰願佛接我菩薩助我令我不失正念得生安養言已投身而化高宗知其事賜寺額曰光明世傳彌陀化身而立爲蓮社二祖云

智琰居武邱集僧俗修淨業觀想每月一集五百餘人後於病中見梵僧手執寶瓶前謂之曰吾無邊光也卻後淨土所稱功德寶王乃我爾琰與寺衆論曰無邊光勢至大士功德寶王其成佛之號也我其西歸乎其夕竟匹

神素居蒲州講阿毘曇成實論願早登安養後病中令弟子讀觀經靜坐而聽既畢唱佛大士號始終數番至中夜安坐而化

功迥浚儀人行普賢懺身不倚者三十年一日普賢來乘六牙象地皆銀色晚年專講法華每至藥草喻

品天輒降雨又撰佛地論疏願圓所詮之益得生淨
土疏成五色異光照其室迥曰得於此時乘光見佛
願足矣乃繫念西想不食而化

道昂平時修淨土業一日升高座誡飭徒衆遽揖曰
彼天衆何雜沓而來天道由來非吾願若淨土相迎
卽聞命矣因瞑目久之曰阿彌陀佛光明照我諸化
菩薩又來會此於是奉爐叩首陳慶忽爐墜而化
善道臨淄人入大藏信手探卷得觀無量壽佛經乃
專修十六妙觀及往廬山觀遠公遺跡豁然增思後
遁跡終南修般舟三昧數載覩寶閣瑤池宛然在目

復往晉陽從綽禪師授無量壽經入定七日綽請觀
所生處道報曰師當懺悔三罪方可往生師嘗念佛
像在簷牖下自處深房此一罪也當於佛前懺又嘗
役使出家人此二罪也當於四方僧前懺又因造屋
多損蟲命此三罪也當於一切衆生前懺綽靜思往
咎洗心悔謝久之道因定出謂綽曰師罪滅矣後有
白光來照之時是往生相也道行化京師歸者如市
忽微疾卽掩室怡然而逝異香天樂向西而隱

惟岸并州人常修十六觀門曾因出觀見觀音勢至
現於空中岸頂禮雨淚曰幸由肉眼得覩聖容所恨

世無傳焉倏有二人稱善畫聖相旣就人亦俱失乃
謂弟子曰吾西行其時也有從我者乎一小童曰惟
師之命卽往白父母歸寺沐浴至像前趺坐而化岸
撫其背曰汝何先吾而行卽令弟子助聲念佛仰目
西顧寂然無聲

法持江寧人見黃梅忍禪師悟心要繼牛頭祖位常
繫念淨土俯仰不違將終戒弟子露骸松下令禽獸
食我血肉起淨土因弟子如其旨見神旛數十西來
遶山旛出異光以燭其室

慧日汎舶南海至天竺諸國訪善知識問何國何方

有樂無苦何法何行速得見佛天竺三藏皆讚淨土
日聞喜躍至健陀羅國山有觀音像祈請者或現身
日絕食七日畢命爲請七日之夜觀音於空中現紫
金相長丈餘手摩日頂曰汝欲傳法利人又願生極
樂國當如汝志開元七年東歸達長安進佛真容梵
夾帝旌其德賜號慈愍三藏著淨土文行於世天寶
七年將終見蓮華在前狀如日輪
法師承遠始學於成都唐公至荊州進學於玉泉真
公真公授師以衡山俾爲教魁人從而化者萬計有
弟子法照初居廬山由正定聚趣安樂國見蒙惡衣

侍佛者佛曰衡山承遠也出而求之肖焉乃從而學
傳教天下法照在代宗時爲國師乃言其師有異德
天子南嚮面禮焉度其道不可徵乃名其居曰般舟
道場用尊其位師始居山西南岩石下人遺之食則
食不遺則食土泥茹草木其取衣類是南極海裔北
自幽都來求厥道或值之崖谷羸形垢面躬負薪櫬
以爲僕從而媒之乃師也凡化人立中道而教之權
俾得以疾至故示專念書塗巷刻溪谷不勒誘掖以
援於下不求而道備不言而物成人皆負布帛斬木
石委之岩戶不拒不營祠宇旣具至德宗朝申詔褒

立是爲彌陀寺正元十八年七月十九日終於寺壽九十一世推爲蓮社三祖云

僧銜并州人初念慈氏期生內院年九十遇綽禪師聞淨土之法始回心焉早暮禮佛千拜念佛萬聲三年有疾謂弟子曰阿彌陀佛授我香衣觀音勢至示我寶手吾其去矣旣終七日異香不散時啓芳圓果二師目擊斯事乃於悟真寺觀音像前折楊枝置像手誓曰芳等若於淨土有緣當使七日不萎至期枝益茂芳果慶忭晝夜觀念不捨數月忽覺臨七寶池入大寶帳見佛及二大士坐寶華臺光明輝映芳果

前作禮佛告之曰汝念我名皆生我國又見寶旛珠網有梵僧御寶車中謂曰吾法藏也故來迎汝芳果忽覺乘車前邁又聞釋迦佛文殊菩薩以梵音聲稱讚淨土寶殿之中有寶階三道第一道純是白衣第二道僧俗相半第三道唯是僧輩佛指謂芳曰此皆閻浮提念佛之人得生此土也後五日二人無病忽聞鍾聲芳果曰鍾聲我輩事也當時俱卽化去

辯才襄陽人潛修淨土之業二十年未嘗說獨與護戎任公善謂之曰才必生淨土期在十年後令弟子報任公曰向所期已及矣任公及門才曰吾其去矣

趺坐而化衆聞仙樂西來異香散滿

自覺居平山重林院爲鬼神講說者三年屢有祥感
嘗發四十八願因觀音大悲接見阿彌陀佛乃率衆
建刹鑄大悲像四十九尺俯伏像前陳其願曰聖相
已就梵宇已成願承聖力早登安養夜中忽見金色
祥光二道佛及菩薩左右隨之佛垂手按覺首曰守
願勿易利物爲先寶池生處終當如願後十一年見
大神雲中出半身謂之曰安養之期已至卽於像前
跏趺而化

國師法照唐大歷二年止衡州雲峰寺慈忍戒定爲

時所宗嘗於僧堂食鉢中覩五色雲中有梵剎當東北有山澗石門復有一寺金書其題曰大聖竹林寺他日復於鉢中見雲中數寺池臺樓觀萬菩薩衆雜處其中師以所見訪問知識有嘉延曇暉二僧曰聖神變化不可情測若論山川面勢乃五臺耳四年師於郡之湖東寺開五會念佛當是五日爲一會耳感祥雲彌覆雲中樓閣覩阿彌陀佛及二菩薩身滿虛空有數梵僧執錫行道復見老人謂曰汝先發願於金色界禮覲大僧今何輒止師遂與同志遠詣五臺見寺南有光及隨至佛光寺一如鉢中所見東北五里果有大

山山有澗澗北石門旁二青衣一稱善財一稱難陀
引師入門北行見金門樓觀金榜題曰大聖竹林寺
寺方二十里一百院皆有金池寶塔華臺玉樹入講
堂見文殊在西普賢在東踞師子座爲衆說法菩薩
萬數共相圍繞師於二菩薩前作禮問曰末代凡夫
未審修何法門文殊告曰諸修行門無如念佛阿彌
陀佛願力難思汝當繫念決取往生時二大士同舒
金臂以摩其頂與之記曰汝以念佛力故畢竟證無
上覺文殊復曰汝可往詣諸菩薩院巡禮承教師歷
請教授至七寶園復回至大聖前作禮辭退向二青

衣送至門外師復作禮舉頭俱失後與五十僧往金剛窟卽無着見大聖處忽覩衆寶宮殿文殊普賢及萬菩薩佛陀波利師方作禮舉首卽失夜於華嚴院見寺東岩壑有五枝燈師曰欲分百燈旣而如願復曰願分千燈數亦如之光徧山谷又前詣金剛窟夜半見佛陀波利引之入寺後復於華嚴院念二大士記我往生乃一心念佛忽見波利謂之曰汝華臺已生後三年華開矣汝見竹林諸寺何不使羣生共知之師因命匠刻石爲圖於見處建竹林寺旣畢謂衆曰吾事畢矣數日別衆坐逝推波利之言果三年也

師於并州行五會教化人念佛代宗於長安宮中常聞東北方有念佛聲遣使尋之至於太原果見師勸化之盛遂迎入禁中教宮人念佛亦及五會號五會法師而蓮社立爲四祖云

法師少康縉雲仙都人俗姓周氏母羅氏夢遊鼎湖峯有玉女以青蓮華授之曰此華吉祥當生貴子及生青光滿室作芙蕖香七歲未語相者竒之母攜至靈山寺指殿佛謂之曰汝敬佛不遽荅曰我佛釋迦誰不爲敬父母愈敬異遂舍令出家年十五誦通法華楞嚴等五部尋往會稽嘉祥學究律部後詣上元

龍興聽華嚴瑜迦諸論唐貞元年初洛下白馬寺見
殿中文籍放光探之乃善導和上西方化導文師曰
若於淨土有緣當更放光言已光復閃爍師曰劫石
可磨我願無易遂至長安光明寺善導和上影堂大
陳薦獻倏見遺像升空而謂之曰汝依吾教廣化有
情宅日功成必生安養師聞佛音如有所證乃南適
江陵路逢僧曰汝欲化人當往新定今嚴州是言訖而隱
師既入郡人無識者乃乞錢誘小兒曰阿彌陀佛是
汝導師念佛一聲與汝一錢兒務錢者隨聲念之月
餘孩孺念佛覓錢者衆師乃曰能念佛十聲者與一

錢如此一年無少長貴賤見師者皆稱阿彌陀佛念佛之聲盈滿道路十年乃於烏龍山建淨土道場等臺三級集衆行道師每升座高聲唱佛衆見一佛從口而出連唱十聲則見十佛師曰汝見佛者決得往生時衆數千有不見者嗚呼自責愈加精進二十一年十月三日囑累道族當於淨土起忻樂心於閻浮提起厭離心汝曹此時能見光明真我弟子遂放異光數道而逝郡人爲建塔於臺巖號臺巖法師而蓮社立爲五祖云

懷玉丹邱人布衣一食常坐不卧觀想淨土將四十

年日課佛名五萬誦彌陀經三十萬遍天寶元年見
佛菩薩滿虛空中一人持銀臺來迎玉曰吾一生念
佛誓取金臺聖衆遂隱師彌加精苦三七日後向人
復來曰法師已得上品生忽異光照室越三日書偈
曰清淨皎潔無塵垢蓮華化生爲父母我經十劫修
道來出示閻浮廩衆苦一生苦行超十劫永離娑婆
歸淨土弟子見佛菩薩共御金臺西下迎玉而去郡
太守段公作偈贊曰我師一念登初地佛國笙歌兩
度來惟有門前古槐樹枝低只爲望金臺
齊翰居武邱入流水念佛道場一念之頃卽見淨土

境相忽作歌曰流水動兮波漣漪芙蕖輝映兮寶光
隨乘光西邁兮偕者誰初師十年在疾弟子問曰和
上舍生何乃抱病師曰必謝之軀雖聖未免卽回瞻
聖像而匹

神皓於吳郡結道俗爲西方社有不能遺塵累者引
退之時以爲旃檀林中常材自枯後示疾謂弟子曰
淨土聖相已現吾今夕必往生乃澡身易衣端坐而
化香氣滿室

僧藏西河人夏月在草間餒蚊念阿彌陀佛二十年
許飲食行坐志在安養忽於病中見化佛光照其身

西華集卷之十一
次日謂侍者曰吾適瞑目正在淨土諸上善人散華
召我乃整衣西向而化

大行入泰山行普賢懺三年感大士現身晚歲入藏
室陳意隨手取卷得彌陀經乃日夜誦詠至三七日
覩琉璃地上佛及二大士現身其前僖宗聞其事詔
入內賜號常精進菩薩封開國公後一年琉璃地復
現卽日右脇而終異香旬日不散肉體不壞

寶相居長安六時禮懺者三十年夜誦彌陀經七過
佛號六萬聲後忽見佛大士衆自西來迎囑諸徒曰
念佛爲業西方相待

百丈大智馬祖嫡嗣天下叢林共宗而祈禱病僧化
送叻僧悉歸向淨土以爲超度

智欽專習禪業又禮一萬五千佛名一百遍後於鄭
州阿育王塔所燒一臂願生淨土弟子僧護夜半見
庭前光照異常因問何人秉炬凡三問空中聲云來
迎欽禪師耳護急推窓觀之卽見佛身光明旛華寶
蓋騰空飛下欽應時化去

法順杜氏每遊歷郡國勸念阿彌陀佛著五悔文讚
詠淨土弟子至五臺見老人謂曰文殊今住終南山
杜順和上是也歸則順叻

懷感居長安千福寺念佛三年見佛金色玉毫得入
三昧乃製決疑論七卷臨終見佛來迎合掌而化

德美於會昌寺西院造懺悔堂年別般舟一夏不坐
或止口過三年不言或行不輕通禮七衆或節衣食
四分除二或去世想專念西方口誦彌陀終於命盡
後於一時入室稱佛倏然而化

志通遊天台見智者淨土儀欣然會心嘗至招手岩
因陳大願念阿彌陀佛四十八願誦已投身岩下若
有神人捧之於樹乃復整心登岩曰餘生可厭大願
已發惟海衆菩薩同相接引再投而下適在蒙茸草

上久之復蘇寺衆昇歸身心無損後遊越之法華山
一夕見白鶴孔雀行列西下蓮華開合光相現前乃
起禮佛趺坐而化

紹岩居錢塘湖心寺專誦法華期滿萬部得生淨土
一朝有蓮華生於陸地岩誓焚身供養西方三聖吳
越王俶力勸止之又往投身曹娥江中如有物扶其
足漁者救之得不溺吳越王於寶塔寺建淨土院以
居之一朝見蓮華光照其身越三日欣然坐化

守真永興人講起信論法界觀常於中夜輪結無量
壽佛往生秘密印至天將曉自覺身登淨土舉目見

懷感居長安千福寺念佛三年見佛金色玉毫得入
三昧乃製決疑論七卷臨終見佛來迎合掌而化
德美於會昌寺西院造懺悔堂年別般舟一夏不坐
或止口過三年不言或行不輕通禮七衆或節衣食
四分除二或去世想專念西方口誦彌陀終於命盡
後於一時入室稱佛倏然而化

志通遊天台見智者淨土儀欣然會心嘗至招手岩
因陳大願念阿彌陀佛四十八願誦已投身岩下若
有神人捧之於樹乃復整心登岩曰餘生可厭大願
已發惟海衆菩薩同相接引再投而下適在蒙茸草

西舫

佛自俯伏像前念曰四十八願能度我者乃持香華入殿供養就座而化

晤恩姑蘇人住慈光講法華諸經後於井中見白光出乃絕食念佛越三日見梵僧捧爐三邊之曰吾灌頂也以汝所修同我之志故從淨土來迎次日恩升座說止觀指歸卽座面西而化衆聞空中絲竹之音依稀西去

義通高麗人居四明寶雲敷揚教觀幾二十年常呼人爲鄉人有問其故曰吾以淨土爲故鄉諸人皆當往生皆吾鄉中人也後右脇念佛而化

知禮號法智居南湖述妙宗鈔釋天台觀經疏大彰
觀心觀佛之旨曾於每歲二月望日建念佛施戒會
動逾萬人又撰融心解明一心三觀顯四淨土之義
後於歲朝建光明懺至五日召大衆說法驟稱佛號
數百聲奄然坐逝

遵式初居天台東山徧行四種三昧後住四明寶雲
結緇素專修淨業作誓生西方記及居天竺靈山於
寺東建日觀菴爲送想西方之法依無量壽經述往
生淨土懺儀爲杭守馬亮述淨土行願法門往生畧
傳後居草堂示疾弟子問所歸對以寂光淨土至夜

奄然坐逝

有基學於寶雲住太平興國寺一日示疾爲弟子廣
談圓旨衆忽見西方現光空中奏樂師曰阿彌陀佛
與二大士親至於此卽右脇西向而化門人夢阿彌
陀佛授記爲超壯如來或夢師坐青蓮華執如意對
佛說法者法智歎曰卧病談玄臨終見佛是可敬也
本如號神照住東山承天三十年講經之餘集百人
修法華懺一年與郡守章郇公結白蓮社一日升座
說法與衆訣別江上漁人見雲端有僧西去明年啓
塔尊容如生有蓮華產於塔前

法師延壽字冲玄總角誦法華經五行俱下六旬而
畢吳越錢氏時爲稅務專知用官錢買魚蝦放生事
發當棄市吳越王使人視之曰色變則斬不變則舍
之已而色不變遂貸命因投四明翠岩禪師出家衣
不繒纈食無重味復徃參韶國師發明心要嘗謂曰
汝與元師有緣它日當大作佛事惜吾不及見耳初
徃天台智者岩九旬習定有鳥巢於衣裊後於國清
行法華懺夜見神人持戟而入師訶之曰何得擅入
對曰久積淨業方到此中夜半遶像見普賢前蓮花
在手遂上智者岩作二闢一曰一生禪定二曰誦經

萬善莊嚴淨土乃冥心精禱得誦經萬善闡乃至七
度於是一意專修淨業振錫金華天柱峯誦經三載
禪觀中見觀音以甘露灌其口遂獲辯才初演法於
雪竇建隆元年忠懿王請住靈隱二年遷永明

今淨慈

日課一百八事未嘗暫廢學者參問指心爲宗以悟
爲則日暮往別峯行道念佛旁人聞螺貝天樂之聲
忠懿王歎曰自古求西方者未有如此之專切也乃
爲立西方香嚴殿以成其志居永明十五年弟子一
千七百人常與衆授菩薩戒夜施鬼神食晝放生命
皆悉回向莊嚴淨土時人號爲慈氏下生開寶八年

二月二十六日晨起焚香告衆加趺而化賜號智覺
禪師師道播海外高麗國王致書獻物叙弟子禮師
以天台賢首慈恩三宗互有同異乃館其徒之知法
者博閱義海更相質難師以心宗之衡以準平之又
集大乘經論六十部兩土聖賢三百家之言證成唯
心之旨爲書百卷名曰宗鏡又述萬善同歸集指歸
淨土最得其要師旣起塔山中有僧來自臨川曰
我病中入冥得放還見殿室有僧像閻羅王自來頂
拜我問此像何人主吏曰杭州壽禪師也聞已於西
方上品受生王敬其人故於此禮耳崇寧中追謚宗

照禪師蓮社立爲六祖云

慧才號廣慈晚居雷峯塔課佛不輟忽夢入一處若
宮室者人告之曰淨土中品是汝所生復見一殿勝
麗殊絕人曰上品之生以待淨慈本禪師也才臨終
果書偈面西趺坐而化

思義號淨慧住靈山二十三年退居草堂一日別衆
而逝衆念誦久之忽復省曰適隨觀音大士行見金
色沙門長身垂臂謂我曰汝報緣未盡過七日當遣
迎至期趺坐而化瘞龕之日有赤雲垂布向西而沒
元淨號辯才住上竺謝去居南山龍井焚指供佛左

三右二專修淨土觀臨終告其友道潛曰吾西方業成後七日去矣至期右脇吉祥而逝

從雅學於天竺海月誦法華經五藏彌陀經十藏金剛經四藏每字三拜禮法華三過自餘誦經禮拜無虛日誓生安養主客楊傑述安樂國讚三十首以贈之後於四月八日面西趺坐而化空中奏樂室內聞香

若愚居雪川仙潭學於辯才歸覺海建無量壽閣勸道俗四季開會念佛凡三十年將順世夢神人告曰汝同學則章得普賢行願三昧已生淨土彼正待汝

師乃沐浴更衣命衆諷十六觀經端坐默聽畢忽云
淨土現前吾當行矣遽書偈而化本是無家可得歸
雲邊有路許誰知溪光遙落西山月正是仙潭夢斷
時又於半月前書一頌云空裏千華羅網夢中七寶
蓮池踏得西歸路穩更無一點狐疑

智深號慈行學於海月歸嘉禾開長堂供二十年專
志念佛常以淨業化人得往生顯驗者甚衆一日示
疾客至問安談論如常時客方出門師卽遷化人見
紫雲向西而沒

處謙繼神照住白蓮一夕會弟子設香華諷普賢觀

經阿彌陀經端坐稱讚淨土功德復告衆曰吾得無
生日用有年矣今以無生而生淨土如入禪定奄然
而化

法師省常字造微姓顏氏錢塘人七歲厭俗十七具
戒宋淳化中住南昭慶慕廬山之風謀結蓮社以西
湖天下之勝遊乃樂嘉遜無量壽佛往生之仰止乃
刻其像華嚴淨行品成聖之宗要乃刺血而書之於
是易蓮社爲淨行之名士夫預會者皆稱淨行社弟
子而王文正公旦爲之社首一時公卿伯牧三十餘
年預此社者至一百二十三人其化成也若此比邱

同志復千大眾有以見西湖之擬於廬山者無慚德
矣天禧四年正月十二日端坐念佛有頃厲聲唱云
佛來也泊然而化衆見地色皆金移時方沒壽六十
二弟子奉全身塔於鳥窠禪師之墳側蓮社立爲七
祖云

死心悟新禪師繼席黃龍宗風大振而切意淨業著
勸念佛文令人發衆起信

真歇清了嗣丹霞淳公洞下一宗至師大顯而卓菴
補陀專意西方有淨土集行世

慈受懷深得法于長蘆信公專心念佛而謂修行捷

徑無越淨邦建西方道場苦口勸衆

石芝宗曉嗣月堂洵公洞徹教部以淨業化人嘗集
大藏諸書有樂邦文類行世

寂堂元嗣密庵傑篤行念佛三昧感金甲神自天而
降夢紅蓮華從地而出由是十洲蓮宗大行

宗坦潞州人申氏子年十六師道恭淨髮五十年名
播講林晚於唐州青臺鎮專求淨土三業四儀曾無
暫忌政和四年四月二十七日夢阿彌陀佛謂曰汝
說法止六日當生淨土覺而白衆至五月四日集衆
告曰因緣聚散固當有時淨土勝緣惟憑時刻願衆

僧藏汾州人一生不受道俗禮拜專修淨土將終天樂次第來迎皆不赴及西方佛至別衆而化

有嚴受業天台靈鷲依神照傳教晚居樵菴專事淨業作懷安養故鄉詩四篇爲時所傳居山十年夢池中大蓮華天樂四列乃作餞歸淨土詩後七日加趺而化塔上有光如月三夕乃隱中立號明智居南湖常以淨業誘人其徒介然創十六觀堂爲東州之冠實師勉之也一夕謂侍者曰今聞異香吾意甚適卽召觀堂行人俱集合笑言曰吾往生期至卽面西坐逝

擇瑛桐江人依經論辨專雜二修以示徃生之易又
述淨土修證儀二卷行於世今人稱阿彌陀佛真金
色一偈卽師所撰也一夕有疾面西凭几念佛而化
思照受業錢塘淨住刺血書法華經一字一禮如是
十過誦十六觀經五藏彌陀經十藏法華一千部禮
華嚴梵網淨土七經等凡二百七十卷每夜四更卽
起念佛懈怠之人聞聲悚愧又於月二十三日率道
俗繫念三聖常及千衆終師之世凡三十年一夕語
其徒曰夜夢佛全身丈六豈非徃生有兆乎乃日請
七僧以助念佛至七日晚涌身合掌厲聲念佛趺坐

結印而化

宗利受業會稽天華修法華懺三載夢亡母謝曰荷
汝懺功已生善道期滿見普賢從空而過後謁大智
律師增受戒法忽夢律師吐白珠令吞之嘗神遊淨
土見寶池蓮華行樹之相尋詣新城碧沼修念佛三
昧者十年後入道味山等庵名一相越十五年謂弟
子曰吾見白蓮華徧滿空中三日復曰佛來矣卽書
偈曰吾年九十頭雪白世上應無百年客一相道人
歸去來金臺坐斷乾坤窄奄然而化

齊玉號慧覺初於雲川寶藏建淨土會念佛者如蟻

之衆後住上竺夜半頂彌陀像行道念佛一日謂首
座曰床前多寶塔現非吾願也所欲見則阿彌陀佛
也可爲我集僧念佛首座鳴鍾繫念將百餘人頃之
曰今已見佛卽瞑目端坐而逝
仲閔所著教義憲章集三衢人於受業祥符升師子
座見銀臺西方而至師曰吾一生解第一義誓取金
臺今乃若此卽座而化

瑩珂受業雪川瑤山徧叅教席禪門以疾歸受業酒
炙無所擇竊念戒業有關恐從流轉令同住取戒珠
師所編淨土往生傳對床讀之凡讀一傳爲一首肯

既而擇一室面西設禪椅不食念佛三日夢佛大士
謂之曰汝尚有壽十年且當自勉珂白佛曰設有百
年閻浮濁惡易失正念所願早升安養承事衆聖佛
曰汝志若此後三日當來迎至期令衆誦彌陀經師
曰佛大衆皆至矣遂寂然而化

靈照住華亭超果每歲開淨土會七日道俗常二萬
人夢中見三聖跪問之曰靈照一生期生安養可果
願不觀音指之曰淨土不遠有願卽生一日卧病謂
侍者曰吾往生有期矣卽面西趺坐而化
可久居四明開化常誦法華因坐化三日復蘇語淨

土事與十六觀經不異見蓮華臺皆標合生者姓名
一紫金臺標云大宋成都廣教院熏法華當生此中
次一金臺云明州久法華生此又一金臺云明州孫
十二居士合生此中又銀臺標云明州徐道姑當生
此中語訖復逝五年徐道姑叵異香蒲室二十年孫
居士化天樂盈空感一郡人皆來送葬

宗本初參天衣懷禪師有契悟後住淨慈奉詔入住
東京慧林召對延和殿密修淨土之業臨終安坐而
逝雷峯才法師神遊淨土見一殿殊麗人曰以待淨
慈本禪師又資福義師至慧林禮足施金而去人詰

之荅曰吾定中見金蓮華人言以俟慧林本禪師又
小蓮華無數稱是以待受度人或有所萎者云是退墮
之人也

善本試華嚴經得度自淨慈詔住法雲賜號大通後
歸杭州象塢專修淨業有僧定中見方丈彌陀佛示
金色身一日告門人曰止有三日在至期趺坐面西
而化

元照住靈芝弘律學尤屬意淨業一日會弟子諷觀
經及普賢行願品加趺而化西湖漁人皆聞空中樂
聲

道言會稽人靈芝之高弟專修淨業臨終數日前見
二神人長丈餘報言何不繫念於是大集道俗念佛
三晝夜將畢自升座說法爲衆懺悔至晚卽座而化
法師宗贖號慈覺襄陽人禮長蘆寺秀禪師出家願
力弘深洞悟禪理元祐中迎養老母于方丈東室勸
以策勵念佛七年不間母臨終果無疾善逝師勤修
化物遵廬阜之規建蓮華勝會其法日念阿彌陀佛
或百聲千聲萬聲各于日下以十字記之一夕夢一
少年烏巾白衣風貌清美告師欲入蓮華會乞書一
名贖秉筆問名曰普慧又曰家兄普賢亦求附錄遂

隱師覺謂耆宿曰華嚴離世間品有普賢普慧二菩
薩助揚佛法今同大衆結會念佛期生淨土感賴聖
賢幽贊錄中乃以二大士爲首遠近向化撰坐禪箴
勸孝文一百二十則述勸修淨土頌有云三界炎炎
如火聚道人未是安身處蓮池勝友待多時收拾身
心好歸去目想心存望聖儀直須念念勿生疑它年
淨土花開處記取娑婆念佛時臨寂念佛坐化靈芝
照公稱爲近代大乘導師而蓮社推立八祖云
惟月居諸堦化城明律學修淨業一日有異僧來迎
後二日微疾急呼同住道寧曰今見阿彌陀佛可高

八尺駐立空中言訖而化

思敏依靈芝曾受戒法專心淨業二十年一日偶疾請衆諷觀經者半月三日見化佛滿室臨終念佛聲出衆外酷暑畱龕七日不變異香郁然

行誥誦四分戒本三日通徹學律於大智住明慶二十年偶寢疾卽設像命徒繫念數日忽起索三衣自唱彌陀經厲聲念佛加趺而化

法持居化度寺修彌陀懺三年爐二指增受戒法造西方三聖像誦觀經彌陀經如意輪咒願促閻浮之壽蚤生安樂之邦一日小疾哭慟懇告願垂接引念

佛之聲聞於百步忽見佛身丈六立於池上卽自言
曰我已得中品生端坐面西而化

慧亨居武林延壽號清照依靈芝習律專修淨業殆
六十年每接對賓朋必以念佛爲勸建寶閣立三聖
像最稱殊特貴官江自任每敬師忽夢寶座從空而
下云是清照律師當升此座社友孫居士報師乍違
卽在家作卽而化師往炷香回謂其徒曰孫君已往
吾亦當行卽請衆念佛復云彌陀口口稱白毫念念
想持此不退心決定生安養卽端坐脫去
用欽居錢塘七寶院依大智學律聞其示衆曰弘

毘尼死歸安養出家爲道能事斯畢卽標心淨土一
志不退日課佛至三萬嘗神遊淨土見佛大士種種
異相謂侍者曰吾明日西行矣卽集衆念佛黎明合
掌西望加趺而化

妙生會稽人習律學日踐淨土之業與大通本禪師
居潮山象塢共明此道一夕會門人諷彌陀經就榻
端坐取臨終香焚之合掌迎顧嗒然而化

惟渥錢塘人杜門謝事閱大藏三過華嚴法華諸經
計之總二萬卷晚年誦彌陀經二十藏一夕偶疾西
向端坐作印而化

仲明居山陰報恩素無戒檢偶因感疾謂同學道寧
曰我今心識散亂何藥可治寧云但隨息念佛爲上
藥明卽依法念之至七日力已困寧又令想目前佛
像久之忽見二菩薩次又見佛迎接瞑目而化

冲益居錢塘淨光刺血書淨土七經復金書法華刻
西方三聖像依止觀坐禪法念阿彌陀佛一日感疾
不服藥拈香對佛懺悔請大衆助念佛諷彌陀經至
西方世界奄然而化

法宗依雷峰廣慈學教用止觀行法修大悲懺至九
載然五指供佛每月率四十八僧同修淨土懺久之

夢佛菩薩來迎後三日合掌西望而逝

睇湛山陰人少爲儒生忽厭世出家與瑩行人於阮社同建無量壽佛殿專修淨業坐不背西久之常見三聖相一夕面西誦經正坐作印而化

曇懿居錢塘淨住以醫爲業晚年禮法華經修念佛三昧以平時所積供佛齋僧造像設浴如是二十年後微疾不服藥請利行人七僧念佛以助往生次日見蓮華其大如屋又一日梵僧到床問訊夜半衆聞念佛聲低泊然長往

太微兒時投錢塘法安法師初授彌陀經便能背誦

及受具願肩門念佛爲不退僧常縱步後山忽聞划
舡笛豁然開悟因蓄一笛以自嬉有凌監簿者亦修
淨業稱微爲淨土鄉長一日叩門曰淨土鄉長弟相
見微曰明朝可相見於淨土今日誦佛正冗耳翌朝
人恠其不赴粥往視之見笛鉢禪椅先已焚卻加跌
地上而化

思聰居錢塘法安日誦蓮經二部餘刻念佛未嘗談
及世事忽謂弟子曰夜來見佛菩薩同來接引弟子
曰恐是魔境不可便隨聰曰終時胸間有蓮華可驗
越二夕命聲罄念佛喜曰佛來矣卽奄然而化視胸

前一掌許有文紅潤若開敷蓮華之狀

了義號木訥鍾離少師之曾孫十五舉進士過金陵
見保寧璣公聞法開悟卽從剃落隨所至處扁曰昨
夢念念西方未嘗間斷祥公赴黃蘗挽其偕行一夕
祥夢師來別云西歸矣復見佛菩薩授以金臺越三
日炷香宴坐含笑而化嘗詣五臺忽覺隨衆菩薩後
行道有紫綬金章二人從其後師詰其名一僧引至
殿旁觀玉牌金書王古葛繁二名字
慧誠居錢塘資聖誦金剛經禮西方佛嘗神遊淨土
親覩佛容潛於山岵積柴爲龕入中念佛縱火自焚

祖南居南岳刺血書阿彌陀經五百卷金剛經一百
卷法華經十部終二十七年皆用血書常時念佛期
生安養末年血乾骨立念佛之聲不絕一日至方丈
相對無別語卽坐而化眉間迸出舍利隨取隨生
法因住四明廣壽三十年冥心淨業偶在疾集衆諷
觀經稱佛號者三夕謂門人曰吾將行矣或請畱偈
爲之書曰我與彌陀本無二二與不二並皆離我今
如此見彌陀感應道交難思議挺身端坐結印而逝
了然號智涌住白蓮二十四年夢兩龍戲空中一化
爲神人袖出書曰師七日當行旣寤集衆說法大書

曰因念佛力得生樂國凡汝諸人可不自勉卽沐浴
夏衣集衆誦阿彌陀經至西方世界倏然而化能仁
行人皆聞天樂之音祥光上屬天表

智仙號真教住白蓮講道十三年西向十念歷十二
時未嘗廢一夕微疾請觀堂行人誦彌陀經卷未終
而坐脫能仁行人皆聞衆樂和鳴黎明始知師已
思淨居錢塘北關姓喻常誦觀經念佛不輟善畫佛
必先淨室觀想一日畫丈六彌陀佛先見佛光遂悟
筆法之妙人因號喻彌陀建藍院名妙行飯雲水終
其身三百萬人忽靜默端坐心想西方越七日臨終

西華集卷一
索香供佛加趺而化異香經旬

如湛試法華得度遍歷教席住烏鎮塔院日誦蓮經
二部佛號二萬聲一夕念佛端坐而化所著教義號
假名集

思梵居西山星者謂之曰六月望師其終乎師曰造
物焉能制修道之人汝言六月亡我且八月徃至期
沐浴坐龕中集衆端坐而化

文慧居嘉禾青龍詩律高古與北峯印公爲友北峯
亦好吟慧奪筆責之曰吾兄大法柱石何必爲此北
峯感之遂折節爲學卒爲聞人慧專志淨業至老益

勵臨終聞空聲云中品中生

慧明號晦菴學於慧光僧錄晚依菁山常照寺與至
叶修淨業日課法華楞嚴圓覺持彌陀聖號以萬數
慶元己未春示疾謂弟子曰吾學大乘求生淨土今
遂願矣乃累足坐逝衆聞天樂西來徘徊頂上茶毘
之餘五色舍利不可以計

智廉居上虞化度寺初徧參宗門晚節一意西方慶
元改元秋八月書偈別衆曰我夢中見阿彌陀佛大
衆圍繞而說法云諸上善人當須專修淨業來生我
國說已卽隱我旣見相徃生必矣卽圓身西向作印

西廂記卷一
坐逝

淨觀居嘉禾寂光庵修淨土懺法十餘年謂弟子曰
我後月二十七日當去至兩日前見紅華次日黃華
滿室皆有化生孩兒仙帶結束及期入龕坐命衆誦
經念佛頃之卽脫去

利先居新城法慧日誦法華課咒念佛至中夜其聲
哀切仰訴娑婆極苦願佛早垂接引得遂往生如是
十年晚歲屢感祥夢忽示疾命衆念佛西向凝望端
坐而逝

師安受業烏鎮普靜通華嚴宗旨修彌陀懺觀想淨

土二十年昕夕不廢一生多病臨終忽精爽謂弟子曰佛菩薩已降吾將行矣卽端坐而化

如寶受業雪川覺華因聞自昔珍禪師夢設浴往生事遂發心開長堂浴二十年及建立佛像願求往生年八十一請衆啜茶言別遽聞鍾鳴一聲衆皆驚異卽向西加趺合掌凝望而化

顯超博州人親授金總持三藏穢迹持咒之法濟病解冤計所得施利五萬緡入永壽常住後病中見佛菩薩前迎蓮華徧滿技樂雜奏弟子皆告畱法師住世救苦淨土變相漸漸隱沒乃復住十五年行咒救

正身言行 卷一
諷彌陀經甫畢加趺合掌而化

戒度習律受業棲心晚住餘姚極樂病中作遺書別
士夫道舊命衆誦觀經至法身觀厲聲念佛加趺而
化

道琛號圓辯爲南湖八世祖於彌陀懺宴坐中見法
智尊者於法華懺中見普賢放光每月二十三日建
淨業會以爲常課道俗俱至一日示疾願平日一毫
之善回向淨土集衆諷觀經不絕七日謂首座曰吾
已見佛身聞異香乃沐浴更衣書偈曰唯心淨土本
無迷悟一念不生卽入初住復令諷安樂行至深入

禪定見十方佛塔然而化

有朋號牧庵住南湖一日坐青玉軒請行人諷觀經
至真法身觀復令大眾唱佛畱偈坐叵

妙雲四明楊氏號慈室自南湖退處溪口吳氏庵一
朝沐浴趺坐謂侍人曰吾有辦香藏之三十年矣擬
臨終焚之用報佛恩今正其時及香光正熾起白佛
陳意就座而化

晞顏字聖徒四明人一生不肯住山晚年居桃源厲
氏菴專心念佛十餘年嘗扁小軒曰憶佛作偈有云
隨波追浪去翩翩彈指聲中七十年豈不向來知憶

佛欲從老去夏加鞭自憐憶佛暮年深除佛無能寫我心誰道萬金爲客好終非一飯在家林臨終沐浴夏衣端坐念佛而化

了宣四明寶林肄業入南湖光嚴堂閱大藏預法華期懺二十七年與榮行人最相善一日詣榮室毆坐榮問之師曰西歸有期難忘道義冀公淨土重會耳榮喜曰正所幸願忽示疾請衆諷彌陀經念佛之際端坐書偈曰性相忌情一三無寄息風不行摩訶息利合掌而化炎暑停龕七日顏色紅潤口角有微涎觀者以帔裹之異香噴人士庶聞之傾城來裹香涎

愈滋闡維之處舍利無筭

善榮四明小溪周氏入南湖觀室十六年閱藏經修期懺金書法華楞嚴淨名圓覺光明諸經造彌陀像遇法會則拈施自畫水墨觀音求者便與宣公匹後三年忽取經像分施親故請衆諷普賢行法經彌陀經念佛聲中加趺而化時以爲赴宣公淨土之約弟子海印高行似之

祖輝居四明郡城佛閣逢人但云阿彌陀佛說也說不得人竟以說不得和上目之鄞尉王用亨夫婦事之甚至一日到其家告別云我明日行矣及諸檀俱

會卽入龕端坐求甘瓜啖盡一枚念佛而化

如鑑四明塔山兩閱大藏長誦蓮經專志念佛晝夜不懈晚年庵居忽示疾請隣庵諸僧繫念面西加趺含笑而化

祖新受業四明福源布衣糲食爲行清苦去寺不遠有大姓方氏以庵延之乃於福源創淨土院造像栽蓮月三八集道俗繫念一日徃別方丈曰二月十五日將西歸特來拜辭枯腸欲得索麵一椀主人如其欲食訖竟徃淨土院像前禮云祖新將行奉別尊像卽歸庵集衆念佛遽出衆問訊曰祖新已拜辭如來

尊像已拜別福源方丈今別衆道友十五日畢定歸
去願諸仁者勤心念佛蚤得相會卽趺坐念佛遽云
佛已至此合掌而化

中峰和尚諱明本錢塘人得法于天目高峯慧辯無
礙密修淨業有懷淨土詩百篇道德人仰之如山斗
龍象交叅朝廷屢遣使賜金帛敕號普應國師春秋
六十二示寂之日光明燦發塔于天目山中
善住字雲屋蘇州人性稟高潔不近聲利掩關六時
念佛誦持大乘禮拜懺悔久病不易吳中修淨土者
和尚爲最緇白多取則焉終時異香滿室有安養傳

夢魂飛覺來何處鴈聲過望斷故鄉書信稀幾度開
窓看落月一生倚檻送斜暉黃金沼內如船藕想見
華敷數十圍嘗見大蓮華充滿世界彌陀在中衆聖
圍繞將示寂示衆曰吾行夫人問何生荅曰西方又
問西方有佛東方無佛耶乃厲聲一喝泊然而化
祖香江西新喻人於山東龍潭寺精修淨業有居士
王傑者等庵延之未幾語傑云某日當歸家衆苦留
香云歸安養家耳及期敷座西向坐逝舉龕入山化
火自焚

慧日號東溟姓賈氏卽宋相似道之諸孫似道謫戍

時師尚幼志求出家至正間下天竺災元臣高納麟
請師新之至洪武二年上召見奉天殿朱顏白眉備
奏稱旨太祖顧謂衆僧曰爾等何不質諸經奧義於
白眉法師嗣後召見但以白眉呼之後歸上天竺日
修彌陀懺以臻淨業一夕夢青蓮生方池中寤告衆
曰吾生淨土之祥見矣後四日合爪趺坐而化

法師蓮池諱祿宏杭州沈氏弱冠棲心佛乘嘉靖丙
寅依無門性天薙染尋受具戒單瓢隻履遍歷知識
時辨融笑巖兩禪宗最著就叅多所契合北遊五臺
感文殊放光隆慶辛未見雲棲山水幽寂遂結茆終

爲環山多虎災師爲諷經施食虎患以寧歲旱循田念佛隨足所至時雨霑潤自此化道大盛師獨闢淨土一門融會三藏指歸惟心四方緇白頂禮問道者相踵名公巨卿如陸光祖張元忭馮夢禎陶望齡虞淳熙宋應昌輩靡不心折歸依師天性篤孝每懷木主出遊食則具供叢林濟孤必薦沈氏光宗慈悲幽冥自習微口恒親設放屢有見師座上現如來相者觀力然也拯救物命譔戒殺放生文城內外及山中俱置放生池萬曆中慈聖太后遣中貴詢法賜紫衣黃金使者出金歸常住衣奉高閣未嘗挂體師肩荷

正法修四安樂行以念佛三昧普攝三根著彌陀疏鈔雲棲法彙二十餘種行世臨終半月前入城別故舊弟子宋守一等曰吾將他往還山與衆話別亦如之衆以師欲謝客輒居長壽庵莫測其故至期面西念佛端坐而逝大衆哀請畱囑閉目復開云老實念佛莫換題目時萬曆四十三年七月四日世壽八旬有一僧臘五十蓮宗之祖匡山逮宗廣而八海內論定協一以師爲九祖云

寶珠嘗遊杭郡嘉禾間冬夏一衲乞食自活宿無恒居平時惟念佛不絕口人喚之纔應對卽連聲念佛

夏無雜語一日告衆曰吾行矣索浴畢化去

真青十九出家叅無字話聞舟觸岸聲有省後遷華頂天柱峰修大小彌陀懺夢見西方三聖萬曆癸巳正月告終衆曰和尚往生何品曰中品中生也胡不上品生耶曰吾戒香所熏位止中品言畢而化

佛石號法雨老人母夢僧以伽黎覆體而生幼時惡聞腥羶十四剃染十八受具戒於蓮池大師三十謁紫柏禪師於金陵親承授記師性孤卓不事世緣晚年謝客避居於武林峯頂構一室開一壙曰吾生可棲死可塋旣久示病弟子請畱偈師走筆書曰一句

彌陀五十年分明掘地討青天而今好箇真消息半
夜鍾聲到客艍投筆而逝

湖廣黃州有無名僧專念阿彌陀佛晝夜不撤隨其
所見皆稱阿彌陀佛崇禎癸未黃總戎鼎守郡城師
大聲念佛衝其道執之適張獻忠攻黃州師亦畱城
上夜間念佛且頻呼醒睡軍士恨之縛投城下未幾
復在城上念佛如是四次每東城下則西城上南城
下則北城上中軍白于總戎始敬禮焉時黃州大饑
人相食師出城外飢民持刀化師捨身師解衣示衆
云俟我念佛千聲卽食我念至三百聲衆急欲加刃

忽有兵馬從空中來飢民驚散而師已在城中矣山中獵人得一大虎師募之放生獵人索三十金師止得四金獵人云汝能執虎耳三匝而不傷汝則與汝虎師遂授記虎執虎耳三匝縱之逸虎歸依師不去師與虎同住黃麻山金剛洞中內相盧九德督兵過黃州詣山訪之欲見虎師語虎止探頭于外盧欲見全身虎乃大叫躍出盧亦歸依焉師一日行街中見一鷄高聲念佛鷄亦隨聲而念庚寅師欲之武林道經白門寓秦淮河傍端午見遊艇有巨公錢某曾歸依師呼云錢阿彌陀佛亦在舟中耶登岸見師師問

同遊人知爲某某放聲大哭曰衆生以苦爲樂如是錢懇示修行之要師云一心念阿彌陀佛復云我行後汝有疑可問覺浪此明眼人也

晉陵天寧釋海寶初值禪堂蔬腐每晨起輒畱腐菜數擔列寺門遇行人募錢置其上完則令賣者收去始攜入供僧遇不樂施者務里許跟隨化之不輕易人破衲虱盈于上暇則席地念佛恒拈虱易上下總不離其身也踰年募蔬腐外更乞分釐積至數金便懇衆誦經禮懺已則念佛回向歷年如是崇禎間詞林鄭胙長約師朝南海已而却之發棹後每見師在

陸前行追之不及迨登山入殿又見師在上炷香遣使伺同回復不得鄭抵郡卽詣寺候師弟子云師沈卧已月餘茶水俱不啜昨方索飲起耳鄭因述其神異郡人由此欽信師一日廖君可來別師師囑曰某月日可相晤以了世緣廖如期至師煮茗酌云煩居士爲老衲作一小影君可寫就不特形神迥肖卽敝衣蟣虱亦覺歷歷浮動殆化工筆也越旬日趺坐念佛而化

萬益法師智旭號素華初叅宗門後因大病發意西歸精修淨業著有彌陀要解佛頂玄文淨信堂集天

樂鳴空等書臨化瑞應非一

實相中年出家于佛日寺惟勤修苦行照管常住爲事隨作務隨念佛所得卽施不留餘貲不與人諍亦無怒容壬申秋忽一日語人曰吾明日當西逝乃借雲棲一老人坐龕次日洗浴著新淨衣剃髮未竟已坐脫矣

道樞仁和人每勸人以念佛爲前矛平居勇猛念佛不染世緣順治乙未夢與神僧登玉屏峰頂丙申六月示疾二十六日朝語衆曰夜夢神僧來迓豈卽昔之登玉屏峯者耶至戌時忽見幡蓋盈空蓮華布地

卽趺坐合掌念彌陀佛號百餘聲安詳而逝龕有異香

具宗無錫人以念佛三昧誨人不倦順治己亥示疾約時沐浴但著一履密表隻履歸西之意誦彌陀經畢念阿彌陀佛十聲舉筆書大字云廓落靈虛無往來處擲筆而化

新心諱大真童身出家武林蓮居庵受紹覺師之法行般舟三昧終時諸弟子同夢見滿空天神執持香華唱云迎新心大師生西方及旦弟子聚而候之師身康念佛相見如常過三日忽坐化

林谷紹興人住羅山之西界破衲麻鞋惟勸人念佛
爲要務至終時見白雲立佛來迎而化土人改其庵
曰白雲

萬緣俗姓喬氏長興人爲人淳和平日詈之弗嗔譽
之弗喜專持彌陀佛號數十年康熙二年六月無疾
忽自縛草龕九月初六日自入龕趺坐而逝

本冲杭郡人居張家寺素專法席開導羣蒙康熙十
一年九月示疾告終有頃復甦謂大衆曰我平日缺
念佛工夫今去無坐位汝等當助我念佛衆爲合掌
稱念逾時而逝

爾立名廣志會稽人出家後結茅天台黃金洞專修
淨業蘓州吳山殷天成詣天台飯僧服師道行延住
吳山接引庵垂三十餘年隨機化導指歸淨土從受
歸戒者累百人嘗結期念佛晝夜不絕聲其弟子造
之見師經行之地大書阿彌陀佛放金色光訝之以
問師師曰汝自本光發現耳乾隆二十六年四月望
要弟子四人詣庵供佛臨別曰明日午前當來送我
及期衆至焚香誦阿彌陀經稱佛名千聲端坐而逝
實定號聞學上海人嘗主天目禪原寺晚至蘇州文
星閣旣徹法原應機利物慧辯無礙時爲學人提唱

念佛法門作念佛偈云念佛念自心念體元空寂當
念了無依心心無別佛又曰西方開淨域不染世間
情前路無知己君須獨自行又嘗作淨土詩一百八
首暢演惟心之旨普勸人發圓向心乾隆四十一年
還江陰香山寺歲杪得疾明年正月三日囑付後事
至黃昏起坐呼衆至命具湯洗手者再連稱阿彌陀
佛說偈而逝

誓願名佛安蘓州人年三十餘投上津橋天竺庵爲
僧已而住北濠大王廟以念佛爲課得錢輒買香華
供佛放諸魚鳥乾隆四十一年有疾逝前三日遣徒

往獅林寺請僧禮淨土懺施食一壇期滿別衆稱佛
名香三炷日午日行矣端坐而逝

旅亭和尚名際會嘉善人得法于聞學老人機鋒迅
利嘗主席禪原已而至蘇州文星閣自言在天目西
方庵修念佛三昧風聲水聲鳥聲蟲聲悉皆作唱佛
聲及是掩關念佛作偈曰截斷世人生死路別開化
外一乾坤不知那箇脚跟穩放下身心入此門乾隆
四十六年下痢語戒弟子沈敬孚曰晝夜彌陀十萬
聲一一從自己胸中流出方少有相應分那得工夫
說閒話管閒事命侍者具湯沐浴其明日遂逝

祥峯達文吳門人乾隆五十六年冬方閉關文星閣
修念佛三昧夜夢三人入室南向坐其一僧服傍兩
居士神儀儼然上有白光覆頂文禮問大德自何方
來僧服曰西方文曰莫非佛國中人否曰然因問大
德何名三人同聲曰汝名甚麼曰達文僧服曰却來
妄語曰真也非妄僧服又問汝名甚麼曰達文僧服
曰還要妄語曰弟子實非妄語僧服曰一切衆生以
妄爲真執假爲實故受輪轉若有智者知是虛妄卽
無輪轉汝莫自迷失本真心當知真心無心真知無
知覺知乃魔佛無知覺汝當信受莫懷疑惑文言下

開悟曰的是佛法不可思議又問旣自佛國中來曾見阿彌陀佛否左一人曰我向汝說汝終不信汝須親見始得三人齊起各向文頂上一拍說偈曰應當勤精進修諸清淨業因深則果實慎勿生疑惑又曰諸法從心生諸法從心滅心法本來空取捨不可得又曰生佛心法等譬如夢中境如幻三摩提汝已知少分偈畢卽騰空向西而去空中樂音嘹亮文向晨而覺蓋此夢一令修淨業人解第一義無念而念無生而生不住中塗直趨寶所二令豁達狂禪知有淨土一門發無上菩提修如幻三昧可作蓮宗眼目

高尼淨因

大明志尚清修誓生淨土每入室禮念先着淨衣口
含沈香文帝后甚重之將終之日衆忽聞沈香滿室
俄而光明如雲隱隱向西沒焉

法盛居金陵道場寺習十六觀想一夕禮像遇病假
寐見大士乘雜華雲出寶色光前來相迎時諸尼款
門問疾咸見光明迸溢盛曰佛及菩薩放光度我言
竟而絕

道爰丹陽人先於諸寺造大像七軀務極精麗又冶
金銅造無量壽佛像忽於眉間放大光明地皆金色

像與爰記曰汝舍此身必生我國卽於像前端坐而化

法藏居金陵勤志念佛夜間見佛菩薩來慰問光明照寺奄然遷化

淨真居長安積善寺衲衣乞食誦金剛經十萬遍專志念佛語弟子曰五月內十度見佛兩度見淨土寶蓮花上童子遊戲吾已得上品生言訖加趺而化祥光滿寺

悟性居廬山念佛願求往生忽聞空中音樂謂左右曰我已得中品生見同志念佛精進者皆有蓮華生

寶池中以待其生言畢而逝

能奉錢塘人專修淨業常夢佛光照身或聞諸尼善言開發一日無疾告其徒曰吾往生時至少頃聞奉誦佛聲厲奔往視之則合掌面西坐逝矣異香滿室樂音四邁

慧安居四明下水大魁姚穎之屬也住小溪楊氏庵專業西方誦金剛般若寒暑不易節常於室中佛光下燭一日示疾端坐以手搖曳戒衆人勿喧移時曰佛至矣令衆念佛倏然脫去壽九十六

無爲蕭山來氏女幼誓不嫁蔬食念佛年二十薙髮

結茆專修淨業三十遊方叅學凡所歷處有病苦者
隨物取與煎湯服之卽愈嘉靖間宮中時疫風聞于
朝召赴有驗賜無爲心禪師之號送歸故廬將終日
有神僧投宿無爲却之再三神僧勸誡而進權宿禪
牀睡醒不見知是神僧便起坐偈云六十四年活計
今朝撒手歸西得箇菩提三昧依然明月清風卽逝
茶毘一團舍利塔于冠山

本印號岐松吳縣人幼多病因發願出家年二十五
父母送之城中圓通庵薙染尋受具戒別買屋數間
以居名曰觀幻戒行潔清勤修福業歷諸名剎供佛

飯僧圓向淨土其年八月自九華歸結期禮大悲懺
甫逾二七忽感微疾曰吾生緣其盡乎遂撤懺專持
佛名至十月初旬卧牀七日右脇西向念佛無間已
而囑付後事命其徒誦阿彌陀經至三周寂然而逝
遂欽號越成無錫人九歲出家稍長遇一尼師激發
專持佛名行住無間尋住蘇州南園白衣庵興復殿
堂念佛益切年五十始受具戒至五十五乾隆五十
三年三月鷄初鳴召其徒曰吾將去矣徒曰師無他
恙何出此言因泣下師曰癡人哭我何益認真念佛
可爾遂趺坐西向同稱佛名盡炷香乃逝

律宗號聖可嘉定人三歲失母其祖母攜至蘇城圓
通庵尋薙染受具戒少好禮佛長習法華經苦不能
解義因憤詣金山及杭州崇福叅究累冬歸而專修
淨業屢詣諸名山供佛飯僧年五十三得咳疾遂閉
關不出以西方爲期至年六十四正月望集諸緇白
同稱佛名至日晏顧視左右勸勉修行語劇苦切尋
舉手稱西方極樂世界大慈大悲阿彌陀佛如是者
三趺坐而逝蓮華香滿室中

佛琦號見琳長洲人自少不願有家旣長其母送閭
門外雨華庵薙染尋受具戒已而受城中崇佛庵尼

道堅囑付繼爲庵主募金千餘兩造西方三聖旃檀
像高八尺歲結七日期場集淨行僧爲念佛會歷諸
名山供佛飯僧爲常州天寧寺置田州畝晚年專修
淨業將逝前三日見菩薩現身兩童子侍或言聞菊
華香師曰此青蓮華香也乾隆五十六年八月晦有
近事女問疾師令扶起集衆焚香稱佛名可二千聲
遂逝

信女大德慧施貲刻此

西齋彙征一卷爲

考千祐宅 妣密陽朴氏仗此勝緣往生極樂

見佛聞法同圓種智

光緒辛巳九月 日淨願社識

西齋彙征卷一

